

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich Berlin, 1863

CLXX. Schadlosbrief des Kurfürsten Joachim für die Prignitzschen Städte,
die sich für 2500 Gulden den Bauherren des Erszstiftes Magdeburg
verschrieben haben, vom 11. October 1520.

Nutzungsbedingungen

urn:nbn:de:hbz:466:1-56044

CLXX. Schablosbrief bes Kurfürsten Joachim für die Prignitischen Städte, bie fich fur 2500 Gulben ben Banherren bes Erzstifts Magbeburg verschrieben haben, vom 11. October 1520.

Wir Joachim, Marggraff zu Brandemburg, kurfurstete., Bekennen etc., Nachdem vnd als vnsere liebe getrewen Burgermeister vnd rathman vnser Stette perleberg, pritzwalck, kyritz, hauelberg vnd Lentzen vns vff vnser begerlich ansuchen bey den wirdigen vnsern lieben sundern Ern Boldewin von Zerwest vnd Hern Cristoffel von hesseler, thumherrn vnd Baumeistern des hohen Styfts zu sant Mauritz zu Magdeburg, drithalb tausent gulden in guttem reinischen vnd wichtigem gold vmb II^c. gulden reinisch auch an gold oder XXII silber groschen für I gulden Jerlichs Zins dauon gutwilliglich aufgebracht vnd sich darfur mit vnserm volbort gegen Inen verschrieben, Laut brieff vnd sigel darüber ausgangen, demnach gereden vnd versprechen wir sur vns, vnser erben vnd nachkomen In gegenwertiger crafft vnd macht ditz Brieffs die obgenanten Burgermeister vnd Rathman obgenanter vnser Stette vnd Ir nachkomen gegen den obgedachten hern — vnd Iren nachkomen an hauptgut vnd Jerlichen Zinsen, wie obbestimpt, weil diser widerkauff stett, gentzlich vnd gar sur vnd für zuentheben, zu benemen vnd In alwege schadlos zu halten getreulich vnd vngeuerlich. Actum am Donnerstage nach Dionisij Anno etc. XX.

Nach bem Churmart. Lehnscopialbuche XXXII, 91.

CLXXI. Kurfürst Joachim belehnt Georg von Platow mit einem Freihause zu Perleberg, am 25. Dezember 1520.

Wir Joachim etc., Churfurst etc., Bekennen vnd thun kunt offentlich mit diesem Briue fur vns, vnser Erben vnd sunst allermeniglich, die Inn sehen, horen oder lesen, das wir vnseren lieben getrewen Jorgen von platow vmmb seiner getrewen vnd willigen dinst willen, die er vns etwa lang zeit her sleissiglich gethan hat vnd vorhin woll thun kan vnd mag, ein haws zu perleberg, das nechste bey dem heiligen geist gelegen, die zeit seins lebens vor aller steuer vnd vnplicht frey gegeben, In massen In auch der Rath daselbst zu perleberg laut Irer briefe vnd sigell daruber ausgangen befreyt haben, vnd geben Im die zeit seines Lebens solich obberurt haws stewer vnd aller vnplicht frey In crafft vnd macht dits briues, vnd wollen, das gedachter Jorgen von Platow zw seinem leben solcher befreyung genissen vnd gebrauchen möge getrewlich vnd vngeuerlich. Zu urkunt Datum In den heiligen Weyhenachtseyertagen, Anno etc. XXI.

Commissio propria Illustrissimi domini Joachimi principis Electoris.

Nach bem Churm. Lehnscopialbuche XXXIII, 219.